

OPĆINA VAREŠ

Rударство, šumarstvo i turizam - šanse privrednog razvoja

Općina Vareš obuhvata površinu od 390 kilometara kvadratnih i jedna je od 12 općina u ZE-DO kantonu. U ovoj općini, prema prošlogodišnjem popisu živi oko deset hiljada stanovnika. Oko 75 odsto teritorije općine Vareš prekriven je šumom, dok su ostali dio naselja, oranice i pašnjaci. Prije rata Vareš je bio snažno industrijsko središte sa Rudnikom željezne rude i Rudnikom olova, barita i cinka, a prestankom rada prvog pomenutog rudnika došlo je do sta-



aktivnosti na formiranju Šumsko privrednog društva "Vareš i Olovo", kako bi i šumarstvo bilo svojevrsan pokretač privrednog zamaha.

Australski investitor obnavlja Rudnik olova, barita i cinka

U sektoru rudarstva, po kome je nekada Općina Vareš bila prepoznatljiva i u exjugoslavenskim okvirima, mnogo toga treba uraditi, prvenstveno kako bi se potencijal Rudnika željezne rude stavio na raspolaganje zainteresiranim investitorima, bilo za prenamjenu prostora, odnosno rekultivaciju ili njegovo ponovno aktiviranje. Kada je vareško rudarstvo u pitanju, svijetlu tačku predstavlja projekt obnove nekadašnjeg Rudnika olova, barita i cinka. Prema riječima načelnika Općine Vareš **Avdija Kovačevića**, projekt obnove ovog rudnika započeo je australski investitor Eastern Mining d.o.o. Visoko prije dvije godine.

- Pomenuti australski investitor dobio je koncesiju na rudnim poljima na 25 godina, a početak proizvodnje očekujemo nakon završetka istražnih radova – ističe načelnik Kovačević.



Avdija Kovačević

gnacije u oblasti gospodarstva. Trenutno je na prostoru općine uposleno oko 1.400 osoba, a na evidenciji Ureda za zapošljavanje je 1.500 nezaposlenih.

Projekt zaštite planine Zvijezde

Kada je riječ o trenutnim projektima koje implementira Vareš, a u cilju snažnijeg privrednog zamaha ove, u postratnom periodu izuzetno nerazvijene općine, u toku je izrada Studije izvodljivosti za zaštitu planine Zvijezde,

inače zvijezde među bh planinama. Za ove namjene Općini Vareš je iz sredstava Fonda za zaštitu okoliša Federacije BiH za 2013. godinu odobreno 20 hiljada KM. Nakon Javnog natječaja ovaj zahtjevan zadatak povjeren je konsultantskoj kompaniji Enova iz Sarajeva. Rok za izradu ove studije je 30. novembar 2014. godine, nakon čega će ovaj dokument biti javno prezentiran građanima Vareša, a završnu riječ



Stećci na planini Zvijezdi

u pogledu ovog projekta imat će Ministarstvo za prostorno uređenje, promet i komunikacije i za-



U općini Vareš ogromno šumsko bogatstvo

štiti okoline ZE-DO kantona. Valja istaći da će se realizacijom projekta zaštite planine Zvijezde,



Majdani u Očeviji

koja obiluje velikim prirodnim bogatstvima, otvoriti mogućnosti za intenzivniji razvoj turizma u ovoj općini. Strateškim opredjeljenjem Općina Vareš želi osigurati prava nad korištenjem svojih bogatih prirodnih resursa, pa u tom svjetlu treba gledati i

Općina Vareš potencijalnim investitorima može ponuditi i dvije lokacije, površine od po deset hiljada kvadratnih površine kao poslovne zone. Riječ je o lokacijama Kram i Šijakovo, smještenim neposredno uz željezničku prugu.

Osim što će realizacija projekta zaštite planine Zvijezde biti zamajac razvoju turizma, to mogu biti i vrijedni spomenici kulturno-povijesne baštine, prije svega Kraljevski grad Bobovac te stari kovački majdani. Vareš nastoji unaprijediti i infrastrukturu, neophodnu za razvoj ove privredne grane, koja u BiH iz godine u godinu bilježi sve značajniji rast, ali privući domaće i strane turiste i različitim, atraktivnim sadržajima, kao što su natjecanje u pripremi vareške peke, biciklistička utrka Sportom do zdravlja, Međunarodni festival komorne glazbe, projekt Tragovima Bosanskog kraljevstva, put zdrave hrane i drugo. Također, spojem tradicije i poljoprivrede Općina Vareš gostima želi ponuditi jedinstven proizvod.